

Catholic Relief Services (CRS)
objavljuje

JAVNI POZIV ZA PRETKVALIFIKACIJU

za izbor podobnih ponuđača za izvođenje radova, nabavku i montažu opreme.

Radovi na koje se odnosi pretkvalifikacija su:

1) Sanacija sportskih terena u JU MSŠ „Bosanski Petrovac“ u Bosanskom Petrovcu:

- a) nabavka i postavljanje sportske podloge za vanjsku upotrebu na košarkaškom i fudbalskom igralištu tipa BERGO Multisport ili ekvivalent ukupne površine $P=1328 \text{ m}^2$, u skladu sa standardima i zahtjevima međunarodnih sportskih asocijacija.

2) Uređenje platoa Tvrdave (nacionalni spomenik BiH) u Bosanskoj Krupi:

- a) izrada i postavljanje dva montažno-demontažna platoa (bina) površine $P1=154 \text{ m}^2$ i $P2=44 \text{ m}^2$, nabavka i postavljanje pratećeg parkovskog mobilijara, te nabavka i zamjena postojeće javne rasvjete LED rasvjetom na lokalitetu Tvrdave;
- b) izrada drenaže i zaštita objekta katoličke crkve od oborinske vode;
- c) sanacija kamenog zida oko objekta pravoslavne crkve;
- d) izrada kovane ograde oko objekta gradske džamije.

3) Rekonstrukcija rasvjete i izgradnja solarne-fotonaponske elektrane za vlastitu potrošnju u objektu sportske dvorane u Gornjem Vakufu – Uskoplju:

- a) nabavka opreme i materijala, te izgradnja solarne-fotonaponske elektrane na krovu objekta sportske dvorane, 42 fotonaponska panela ukupne snage 12 kWp.

4) Djelimična sanacija objekta Doma kulture u Brezi:

- a) nabavka i zamjena fasadne stolarije, te izvođenje građevinsko-zanatskih radova na djelimičnoj sanaciji fasade, krova i unutrašnjih prostorija.

5) Sanacija krova sportske dvorane u O.Š. fra Lovro Karaula u Livnu:

- a) demontaža postojećeg krovnog pokrivača od azbestcementnih ploča, zbrinjavanje uz primjenu i poštivanje zakonskih odredbi za odlaganje građevinskog otpada;
- b) djelimična izrada krovne konstrukcije, te pokrivanje trapeznim plastificiranim limom na površini od 870 m^2 .

6) Rekonstrukcija objekta Osnovne muzičke škole u Istočnom Novom Sarajevu:

a) izrada termoizolacione fasade površine P=650 m².

7) Natkrivanje tribina gradskog stadiona u Novom Travniku:

- a) nabavka, izrada i postavljanje ravanske konzolne rešetke kao nosača za natkrivanje tribina, te pokrova od trapeznog, profiliranog, plastificiranog čeličnog lima površine P=478 m²;
- b) izrada elektro instalacija (elektroenergetska i gromobranska instalacija, video nadzor).

8) Energetska sanacija objekta vrtića Lana 1 u Banja Luci:

- a) nabavka i ugradnja nove fasadne stolarije, izrada termoizolacione fasade površine P=315 m², nabavka i zamjena LED svjetiljki.

9) Sanacija javne rasvjete u MZ Grad – Lijeve obale u Sanskom Mostu

- a) nabavka i ugradnja 50 komada stubova i LED svjetiljki.

Radovi se izvode u okviru USAID-ovog projekta "PRO-Budućnost". Pretkvalifikacija ponuđača će se obaviti po osnovu evaluacije tražene dokumentacije o potencijalnim ponuđačima, a pozivi za dostavljanje ponuda za izvođenje radova će biti upućeni samo odabranim pravnim licima ili nosiocima grupa kandidata.

Projekat finansira Američka agencija za međunarodni razvoj (USAID), a sufinansiraju jedinice lokalnih samouprava na čijim teritorijama se izvode radovi. Radovi će se izvoditi u periodu septembar - decembar 2020. godine.

Pravo učešća u javnom pozivu imaju sva pravna lica ili grupe pravnih lica sa definisanim predstavnikom grupe, koji su registrovani u BiH za obavljanje predmetnih djelatnosti i koji zadovoljavaju uslove propisane važećom zakonskom regulativom o građenju, a koji nisu u postupku stečaja ili likvidacije, te ukoliko se protiv istih ne vodi postupak zbog neplaćanja obaveza po osnovu javnih prihoda. U procesu evaluacije će se obraditi i provjeriti prijave kandidata, za odabir podobnih ponuđača, a sve prema pravilima CRS-a.

CRS zadržava pravo da naknadnom provjerom referensi, dosadašnjih iskustava u sličnim poslovima, uslova trenutnog poslovanja ili analizom dostavljenih dokumenata ne prihvati prijave koje, prema zaključku predstavnika CRS-a, mogu dovesti u pitanje kvalitetnu implementaciju projekta po bilo kom osnovu.

Za učešće u pretkvalifikacijskom postupku potrebno je dostaviti **prijavu** koja sadrži sljedeće:

1. izjavu o dostavljanju prijave na javni poziv sa naglašenim predmetnim djelatnostima i aktivnostima za koje je ponuđač, sam ili kao vođa navedene grupe kandidata, zainteresiran i osposobljen
2. izjavu o grupnom nastupanju u procesu pretkvalifikacije, eventualnog davanja ponude ili ugovaranja izvođenja radova, sa ovjerom članova grupe, te definisanim ovlaštenim predstavnikom grupe koji bi bio nosilac preuzetih ugovornih obaveza
3. izvod ili ovjerenu kopiju izvoda iz registra nadležnog registarskog suda, ne stariji od 60 dana
4. kopiju uvjerenja Poreske uprave sa identifikacijskim brojem i rješenje o razvrstavanju prema djelatnosti od Zavoda za statistiku (za firme registrovane u Federaciji BiH)
5. kopiju svih neophodnih licenci pravnog lica za obavljanje predmetnih djelatnosti (za radove koji se izvode na prostoru RS-a prema Zakonu o uređenju prostora i građenju, Sl. glasnik RS-a br. 40/13)
6. uvjerenje o izmirenim obavezama iz UIO-a, uvjerenje Porezne uprave o izmirenim obavezama prema PIO/MIO i zdravstvenom osiguranju s datumom ne starijim od 01. maja 2020. godine
7. broj, kvalifikaciju i iskustvo zaposlenih, potvrda iz PIO-a s kopijom zadnje uplatnice o plaćenim doprinosima s datumom ne starijim od 01. maja 2020. godine

8. kopije uvjerenja o položenom stručnom ispitu (licenca) za voditelje građenja i njihove reference
9. referenc-listu pravnog lica za gore navedene vrste radova, sa iznosima realiziranih ugovora, kopijama od strane Investitora ovjerenih specifikacija radova izvršenih ugovora, te datim kontakt osobama investitora za period 2015 – 2019. godine (dostaviti posebno i pozitivne pismene preporuke o završetku najmanje tri ugovora iz oblasti ove vrste poslova u vrijednosti od najmanje po 70.000,00 KM za pravna lica koja se samostalno prijavljuju na ovaj poziv za sve vrste radova ili najmanje po 70.000,00 KM za sva pravna lica koja nastupaju kao grupa ponuđača u okviru svojih oblasti angažmana)
10. spisak opreme i mehanizacije koju posjeduje firma, u zavisnosti od grupe radova za koju se prijavljuje
11. izjavu pravnog lica ili nosioca grupe kandidata o spremnosti potpisivanja ugovora za obavljanje radova na predmetnim aktivnostima **bez avansa**, uz plaćanja po situacijama za periodično izvedene radove.

Zbog situacije s COVID-19, prijave (skenirani dokumenti) se dostavljaju isključivo elektronski s naznakom **“PRIJAVA ZA RADOVE NA JAVNOJ INFRASTRUKTURI“**, na email adresu: karlo.holub@crs.org do 24. 8. 2020. godine do 12.00 sati, kada će iste biti evidentirane. CRS zadržava pravo da zahtijeva naknadno dostavljanje originala dokumenata koji čine prijavu na javni poziv.

U slučaju prijave kandidata u formi grupe pravnih lica sa definisanim predstavnikom koji bi bio nosilac ugovornih obaveza za tačke 3, 4, 5, 6, 7 i 8, svaki član grupe u okviru jedne prijave dostavlja dokumentaciju kojom pokazuje status pravnog lica u periodu podnošenja prijave.

Pojedinačni kandidati, ili zbirno kandidati u grupi, treba da u potpunosti pokažu iskustvo i spremnost za kompletno preuzimanje i izvršavanje obaveza izvođenja svih vrsta predviđenih radova na navedenim mikrolokalitetima. Sve vrste radova koje su predmet pretkvalifikacije potrebno je prikazati kroz dokumente i dostavljene ugovorne specifikacije u okviru zahtjevane tačke 9. na minimum 3 različita ugovora u okviru navedenog perioda.

Komisija koju će formirati CRS vršit će ocjenu podobnosti ponuđača za predmet pretkvalifikacije na osnovu dostavljenih dokumenata u okviru prijave, provjere referenci ili saznanja o poslovnosti ponuđača pri izvršavanju dosadašnjih sličnih ugovornih obaveza u navedenim predmetnim aktivnostima, a sve prema uslovima donatora i planiranom periodu za izvođenje radova na ovom projektu.

CRS zadržava pravo da sve prijave pristigle iza navedenog roka ne prihvati i smatra neblagovremenima. Dodatne informacije se mogu dobiti na email: karlo.holub@crs.org

CRS zadržava pravo na uvid, provjeru, te dodatna pojašnjenja u vezi s dostavljenom dokumentacijom. Ponuđači će biti pismeno obaviješteni putem faksa ili elektronske pošte o rezultatima pretkvalifikacije. CRS ne snosi nikakve troškove prijave u postupku pretkvalifikacija, kao ni eventualno u tenderskom procesu pripreme ponuda.

NEPOTPUNE I NEBLAGOVREMENO DOSTAVLJENE PRIJAVE NEĆE SE UZETI U RAZMATRANJE ZA EVENTUALNO UGOVARANJE USTUPANJA USLUGA.